



KANTONALNA JAVNA USTANOVA
"DOM ZA SOCIJALNO ZDRAVSTVENO ZBRINJAVANJE
OSOBA SA INVALIDITETOM I DRUGIH OSOBA"
SARAJEVO, Nahorevska 195

Broj: 30-781/23

Datum: 22.06.2023.godine

Na osnovu člana 21.a. Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11) i člana 26. Pravila KJU „Dom za socijalno zdravstveno zbrinjavanje osoba sa invaliditetom i drugih osoba“ direktor donosi

ODLUKU
o uspostavljanju i vršenju video nadzora u KJU „Dom za socijalno zdravstveno
zbrinjavanje osoba sa invaliditetom i drugih osoba“

Član 1.
(Predmet odluke)

Ovom Odlukom se uspostavlja video nadzor u KJU „Dom za socijalno zdravstveno zbrinjavanje osoba sa invaliditetom i drugih osoba“ (u daljem tekstu: Dom), te utvrđuje svrha i način vršenja istog i korištenja tehničkih pomagala.

Član 2.
(Svrha)

- (1) Video nadzor se uspostavlja radi unaprijeđenja sigurnosti korisnika smještaja, radnika i posjetioca Doma.
- (2) Pored svrhe iz stava (1) ovog člana videonadzor se uspostavlja i koristit će se u svrhe unaprijeđenja sigurnosti objekata i imovine, te spriječavanja protuprovalnih radnji usmjerenih prema imovini Doma, te krađe, provale, uništenja i oštećenja imovine Doma.

Član 3.
(Prostor)

- (1) Video nadzor iz člana (1) ove Odluke uspostavlja se u prostorijama Doma i prostoru koji se nalazi na adresi Nahorevska broj 195.
- (2) Video nadzor iz stava (1) ovo člana obuhvata unutrašnje, vanjske kamere, monitore i uređaj za pohranu video zapisa (snimač).
- (3) Korisnici smještaja, radnici i posjetioci će biti obavješteni o vršenju video nadzora.
- (4) Obavještenje iz stava (3) ovog člana će biti postavljeno na ulazu u Dom i na ulazu u objekat na način da je vidljivo svima.
- (5) Video nadzor nije dozvoljen u sobama korisnika, kancelarijama i sanitarnim prostorijama.
- (6) Obavještenje je adekvatne veličine na kojem se nalazi slika kamere i jasno vidljiv natpis „OBJEKAT JE POD VIDEO NADZOROM“

- (7) Obaviještenje sadrži podatke o kontaktu/kontroloru sa brojem telefona putem kojeg se mogu dobiti opće informacije o video nadzoru.

Član 4.
(Opseg snimanja video nadzora)

Video nadzor sistema Doma obuhvata:

- Vanjske kamere
- Unutrašnje kamere
- Monitore,
- Uređaj za pohranu video zapisa (snimač), koji deponuje video zapise 18 dana nakon čega se automatski brišu.

Član 5.
(Način čuvanja i upotreba podataka)

- (1) Uređaj za snimanje i monitor nalaze se na odjelu hospisa u posebnoj prostoriji.
- (2) Monitoring u realnom vremenu nad video nadzorom imaju čuvari/potiri Doma putem monitora u portirnici i dežurno medicinsko osoblje putem monitora u prostoriji za nadzor/dežuru.
- (3) Kontrolor video nadzornog sistema je direktor i stručni saradnik za servisne usluge ili drugi radnik po posebnom ovlaštenju direktora.
- (4) Kontrolor će snimke nastale korištenjem aplikacije za video nadzor pohranjene na snimaču koristiti u skladu sa Zakonom o zaštiti ličnih podataka, kao i propisima koji regulišu zaštitu ličnih podataka.
- (5) Nastale snimke mogu se kopirati ili drugačije elektronski obrađivati zbog dokazivanja krađe, oštećenja imovine, ugrožavanja zdravlja i sigurnosti korisnika smještaja, radnika i posjetioca.
- (6) Pristup snimcima video nadzora imaju i ovlaštene policijske agencije i ministarstva unutrašnjih poslova u BIH uz predocjenje validnih naloga.
- (7) Video nadzor će biti zaštićen od pristupa neovlaštenih lica.

Član 6.
(Vršenje video nadzora)


- (1) Snimak video nadzora obuhvata video zapis koji sadrži sliku, datum i vrijeme.
- (2) Podaci prikupljeni putem video nadzora ne smiju se koristiti izvan zakonske namjene.

Član 7.
(Rok čuvanja)

Video zapis obuhvata kontinuirani period snimanja od zadnjih 18 uzastopnih dana nakon čega se isti automatski briše.

Član 8.
(Stupanje na snagu)

Ova Odluka stupa na snagu danom donošenja i objavit će se na oglasnoj ploči i web stranici Doma.



Dostaviti:

- Oglasna ploča
- Web stranica
- Služba pravnih o kadrovskih poslova
- a/a